

CONVENIO DE COLABORACIÓN ENTRE O ENTE PÚBLICO PORTOS DE GALICIA E O CONCELLO DE PONTECESURES PARA A MELLORA DA EFICIENCIA ENERXETICA DAS INSTALACIONES DE POTABILIZACION, DEPURACION DE AUGAS RESIDUAIS E DESALACION DAS EDAR DE PONTECESURES E EBAR DE TELLEIRO NO PORTO DE PONTECESURES.

Susana Lenguas Gil, en nome e representación da Entidade Pública Empresarial EPE Portos de Galicia EPE Portos de Galicia, na súa calidade de Presidenta, cargo para o que foi nomeada por Decreto 80/2019, do 11 de xullo (D.O.G. do 12 de xullo), con domicilio aos efectos deste convenio na Praza de Europa, nº 5A, 6º, Área Central, Polígono de Fontiñas, 15707 Santiago de Compostela (A Coruña), actuando en virtude das facultades que a tal efecto lle confiren os artigos 12.3.a) e 12.3.g) da Lei 6/2017, de 12 de decembro, de EPE Portos de Galicia (D.O.G. do 14.12.2017).

Doutra parte D. Juan Manuel Vidal Seage, actuando na calidade de Alcalde- Presidente do Concello de Pontecesures, con domicilio a efectos deste convenio na Avenida de Vigo, nº 2, 36640 Puentecesures (Pontevedra), e actuando en nome e representación da dita Administración local consonte o disposto nos artigos 21.l.b) da Lei 7/1985, de 2 de abril, reguladora das bases do Réxime Local e o 61.1º.a) da Lei 5/1997, do 22 de xullo, de Administración Local de Galicia.

Ámbalas dúas partes, na calidade na que cada unha intervén, recoñécense mutuamente a capacidade legal necesaria para o outorgamento deste convenio e para o efecto,

EXPOÑEN

O Concello de Pontecesures para dar cumprimento das súas competencias en materia de medio ambiente urbano e en particular a protección contra a contaminación atmosférica das zonas urbanas e conservación e mantemento de zona no dominio público portuario do porto de Pontecesures que interacciona cos viais da vila.

Así mesmo, o ente público Portos de Galicia contempla, dentro dos seus obxectivos estratéxicos, favorecer a interrelación porto-ciudad mediante acordos de colaboración coas diferentes administracións desenvolvendo a planificación urbanística que permita que os cidadáns vexan aos portos como entes xeradores de desenvolvemento nun ámbito compatible coa actividade urbanas colindantes e a portuaria, polo que está así mesmo interesado no mantemento de dita zona portuaria.

Dado que os espazos portuarios constitúen unha unidade funcional que desenvolve un proxecto unitario que implica unha zona de interconexión do porto co núcleo de poboación lindante, coa función engadida de servir de solución de continuidade entre a poboación e o porto permitindo o seu uso coordinado co núcleo urbano, considérase conveniente que se asine un convenio de colaboración entre o ente público Portos de Galicia e o Concello de Pontecesures para a adopción conxunta das referidas medidas.

Esta actuación consiste na mellora da eficiencia enerxética das instalacións de potabilización, depuración de augas residuais e desalación das EDAR de Pontecesures e EBAR do Telleiro cuxa aportación do Concello de Pontecesures ascende a 9.962,76 euros. O citado proxecto





enmarcase no proxecto FEDER- EELL- 2020- 004631 de " Sistemas sostibles de xestión de augas I: Concellos de Barro, A Cañiza, O Grove, Marín, Meis, Nigrán, Pontearreas e Pontecesures"

En definitiva, o presente convenio suporá un efecto positivo tanto para o propio porto, coma tamén para o seu contorno urbano inmediato.

Tendo en conta o propio fundamento do convenio, sustentado na súa finalidade de promoción de actividades de interese xeral a través da concorrencia dun acordo consonte de vontades orientado á coparticipación no desenvolvemento de determinadas actividades de interese común por ámbalas partes que os subscriben, resulta de interes proceder á celebración do presente convenio de colaboración.

CLAUSULAS

PRIMEIRA. OBXECTO. -

O obxecto do presente convenio é o establecemento das bases de colaboración entre Portos de Galicia e o Concello de Pontecesures para a mellora, conservación e mantemento das obras realizadas en relación a eficiencia enerxética das instalacións de potabilización, depuración de augas residuais e desalación das EDAR de Pontecesures e EBAR do Telleiro cuxa aportación do Concello de Pontecesures ascende a 9.962,76 euros.

O citado proxecto enmarcase no proxecto FEDER- EELL- 2020- 004631 de " Sistemas sostibles de xestión de augas I: Concellos de Barro, A Cañiza, O Grove, Marín, Meis, Nigrán, Pontearreas e Pontecesures"

SEGUNDA. COMPROMISOS DO ENTE PÚBLICO PORTOS DE GALICIA

Portos de Galicia, autoriza a intervención do concello de Pontecesures nos terreos de dominio público portuario obxecto do presente acordo segundo plano anexo e memoria técnica descritiva das obras non implica a perda das facultades de xestión e explotación vencelladas ós fins de Portos de Galicia, nin perda das súas potestades administrativas de policía administrativa de inspección, control e autorización das obras que se executen. Tampouco implica un cambio de titularidade ou cualificación xurídica dos bens obxecto do convenio.

Portos de Galicia en virtude deste convenio, autorizará a execución das obras do proxecto de referencia, aportando os terreos do porto de Pontecesures que sexan precisos, realizándose nos termos deste convenio a cesión de uso e posta a disposición para as obras de referencia dos terreos portuarios referidos neste convenio.

Portos de Galicia poderá supervisar en calquera momento a súa execución, e de detectar desviacións ou deficiencias nas obras, requirirá ao Concello para que as corrixa.

TERCEIRA. COMPROMISOS DO CONCELLO DE PONTECESURES

O concello de Pontecesures asume a licitación, execución e custo das obras, especificamente no que afecta á zona portuaria, do proxecto eficiencia enerxética das instalacións de potabilización, depuración de augas residuais e desalación das EDAR de Pontecesures e EBAR do Telleiro cuxa aportación do Concello de Pontecesures ascende a 9.962,76 euros.





O citado proxecto enmarcase no proxecto FEDER- EELL- 2020-004631 de " Sistemas sostibles de xestión de augas I: Concellos de Barro, A Cañiza, O Grove, Marín, Meis, Nigrán, Pontearreas e Pontecesures"

Así mesmo, o concello de Pontecesures asume o custo da conservación, mantemento, limpeza e, no seu caso, mellora dos elementos incorporados coa actuación obxecto deste proxecto, que se reflicten no plano axunto a este Convenio e no que se integran as correspondentes ó dominio público portuario, e a licitación, contratación e execución das obras necesarias para tal efecto.

Calquera obra de reparación, conservación e mellora que o Concello de Pontecesures pretenda levar a cabo na obra, esixirá a conformidade previa do ente público Portos de Galicia.

Con carácter previo ó inicio das obras o Concello de Pontecesures identificará todos os servizos que se poidan ver afectados pola obras, e terán que definir as medidas que se adoptarán para a súa reposición. Tamén con carácter previo ó inicio das obras o Concello de Pontecesures presentará proxecto construtivo da actuación, o cal terá que ser aprobado, por Portos de Galicia. Unha vez aprobado dito proxecto se procederá o replánteo das obras con presenza dun representante de Portos de Galicia

Unha vez rematadas as obras e antes da súa recepción polo Concello de Pontecesures, este comunicará a Portos de Galicia a finalización, requirindo a Portos de Galicia para que proceda ao exame das mesmas e a prestar a súa conformidade coas mesmas. En caso de desconformidade de Portos de Galicia coa execución das obras do proxecto de referencia, o Concello deberá proceder á súa costa, ás correccións que indique Portos de Galicia.

CUARTA. COMISIÓN DE SEGUIMIENTO. -

Dentro do prazo de quince días, a contar dende a data de asinamento deste convenio, crearase unha Comisión Mixta de seguimento e control da execución do convenio, que resolverá as controversias que puideran xurdir.

Serán función desta comisión:

- Impulsar e avaliar o cumprimento do presente convenio naqueles aspectos técnicos obxecto deste, propoñendo aquelas actuación que se consideren precisas.
- Propoñer á partes a resolución das posibles controversias que pudieran xurdir na aplicación do presente convenio.

Esta comisión reunirse as veces que se estimen oportunas para o cumprimento do presente convenio.

A Comisión de Seguimento estará integrada por unha Presidencia que recaerá na Presidenta do Ente Público Portos de Galicia ou persoa na que delegue, e por catro vocais, dous nomeados polo Concello de Pontecesures e outros dous polo Ente Público Portos de Galicia.

A este respecto, o nomeamento de portos de Galicia recae no Xefe de Zona Sur e no Garda-peiraos de Pontecesures.

QUINTA. INEXISTENCIA DE RELACIÓN CONTRACTUAL





Este Convenio non supón asociación algunha ou dependencia entre o persoal dependente das partes asinantes, que actuarán de xeito absolutamente independente e autónomo, sendo obriga específica e exclusiva de cada una delas cumprir con cantas obrigas legais que como empregadores lle correspondan no desenvolvemento da súa actividade ao abeiro deste convenio. Deste xeito, a subscrición do presente convenio non comportará relación laboral, contractual ou de calquera outro tipo entre as partes asinantes deste convenio e os profesionais e empresas que por conta das partes asinantes desenvolvan as actividades obxecto deste convenio; de tal xeito que non se lle poderá esixir responsabilidade algunha directa, indirecta ou subsidiariamente polos actos ou feitos acaecidos no desenvolvemento do mesmo.

SEXTA. RESPONSABILIDADE FRONTE A TERCEIROS

1.-Habida conta dos riscos que se podan derivar na utilización das instalación para o fin a que estean destinadas, será responsabilidade do Concello de Pontecesures responder dos danos que se deriven a terceiros polo cumprimento defectuoso das obrigas que asumen por medio deste convenio.

2.- A responsabilidade aquí establecida se establece nos termos do artigo 33 da Lei 40/2015, do 2 de outubro, de Réxime Xurídico do sector Público, e a competencia para instruír o expediente de reclamación patrimonial, corresponderalle a Portos de Galicia.

SETIMA. PUBLICIDADE

En canto á publicidade, procederáse de conformidade co mandato da Lei 1/2016 do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios e de sancións da Xunta de Galicia.

Así mesmo, conforme a instrución cuarta a) da Circular nº1 1/2016 do 15 de febreiro de 2016, da Comisión interdepartamental de información e aclaración pola que se ditan instrucións en materia de convenios para a aplicación da Lei 1/2016 de 18 de xaneiro de 2016, de transparencia e bo goberno os asinantes do convenio manifestan o seu consentimento e autorización para que os datos persoais que contén no convenio e mailo resto de especificacións contidas no mesmo, podan ser publicados no Portal da Transparencia e Goberno Aberto.

En virtude co disposto no parágrafo anterior o Concello de Pontecesures e Portos de Galicia consenten expresamente a inclusión e publicidade no devandito rexistro do convenio.

OITAVA. -CAUSAS DE RESOLUCIÓN.

As dúbidas que se presenten na súa interpretación, en caso de discrepancias, serán resoltas, visto o informe da Comisión de Seguimento, pola Presidencia de Portos de Galicia, poñendo fin á vía administrativa.

Serán causas de extinción do convenio:

- O non cumprimento do seu obxecto.





- A inviabilidade da realización das actuacións descritas neste convenio por causas non imputables ás partes.
- A denuncia por causas de interese público a instancia de calquera das partes.
- O transcurso do prazo de vixencia do convenio sen acordarse a prórroga do mesmo.
- O acordo unánime de todos os asinantes.
- O incumprimento das obrigacións e compromisos asumidos por parte dalgún dos asinantes.

A este efecto o incumprimento poderá ser de carácter total ou parcial de calquera das cláusulas do convenio. Entenderase por incumprimento parcial aquel que implica en maior ou menor grado a non consecución dos fins propios do convenio ou impidan de xeito directo ou indirecto as actuacións previstas nel.

Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigacións ou compromisos que se consideran incumpridos. Este requirimento será comunicado ao responsable do mecanismo de seguimento, vixilancia e control da execución do convenio e ás demais partes asinantes. Se transcorrido o prazo indicado no requirimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar a indemnización dos prexuízos causados, estes prexuízos tasaranse contraditoriamente polas partes.

- Por decisión xudicial declaratoria da nulidade do convenio.
- Por calquera outra causa distinta das anteriores prevista no convenio ou neutras leis.

Cada unha das situacións descritas por sí soa é causa suficiente da resolución do convenio.

No caso de extinción anticipada, por algunha das causas anteriores, e respecto ás actuacións en curso, a liquidación deste convenio axustarase ó que segue:

Remataranse as accións e expedientes administrativos e xa iniciadas que aínda estean sen rematar.

Sen prexuízo do anterior, o convenio, de acordo co art. 51 da Lei 40/2015 extinguirase polo cumprimento das actuacións que constitúen o seu obxecto ou por incorrer en causa de resolución.

NOVENA. NATUREZA E RÉXIME XURÍDICO

O presente convenio ten carácter administrativo e o desenvolvemento dos seus compromisos, obrigas e demais actuacións rexeranse polo establecido nas súas cláusulas, polas normas do artigo 57.5 da Lei 6/2017, do 12 de decembro, de portos de Galicia e demais normativa portuaria, pola Lei 40/2015, do 1 de outubro, de Réxime xurídico do Sector Público e demais normas de dereito administrativo, e no seu defecto polas normas do ordenamento civil.

O convenio está excluído da Lei 9/2017, de 8 de novembro, de Contratos do Sector Público, sen prexuízo da aplicación dos principios e criterios desta Lei 6/2017 para resolver as dúbidas e lagoas que puideran presentarse, consonte o establecido no seu artigo 4.

O desenvolvemento dos seus compromisos, obrigas e demais actuacións contidas no presente convenio rexeranse polo establecido nas súas cláusulas.





DECIMA. VIXENCIA DO CONVENIO. -

Este convenio entrará en vigor ó día seguinte ó da súa sinatura, estendendo a súa vixencia polo tempo máximo de 4 anos, agás unha única prórroga expresa por un máximo de 4 anos.

En todo caso, considerando un prazo necesario para que o Concello obteña a utilidade das inversións de acondicionamento da zona portuaria afectada, unha vez transcorridos dous anos, Portos de Galicia poderá desistir do convenio deixandoo sen efecto, cun preaviso de catro meses de antelación

No caso de extinción anticipada por causa de incumprimento dalgunha das partes, estarase ao previsto na cláusula oitava.

Esta vixencia se computará desde a data de sinatura pola última parte en realizala.

UNDÉCIMA.- MODIFICACION DO CONVENIO.

As modificacións formalizaranse mediante addenda a este convenio cos mesmos requisitos e condicións que para a aprobación do convenio.

A PRESIDENTA DO

ENTE PÚBLICO PORTOS DE GALICIA

O ALCALDE-PRESIDENTE



DO CONCELLO DE PONTECESURES

Susana Lengas Gil

Juan Manuel Vidal Seage

ANEXO: PLANO.






SANEAMENTO EXISTENTE

- TUBERIA DE PVC. ø 200
- TUBERIA DE PVC. ø 300
- TUBERIA DE PVC. ø 315
- TUBERIA DE CERÁMICA. ø 315
- TUBERIA DE FORMIGON. ø 200
- - - TUBERIA DE FORMIGON. ø 250
- - - TUBERIA DE FORMIGON. ø 300
- - - TUBERIA DE FORMIGON. ø 400
- - - TUBERIA DE FORMIGON. ø 600
- - - TUBERIA DE FORMIGON. ø 1000
- GALERIA
- POZO DE BOMBEO

- - - - - ZONA DE SERVIZO DO PORTO
- LIÑA DE DESLINDE DPTM
- EDAR - DENTRO DA ZONA DE SERVIZO DO PORTO E DO ÁMBITO DO CONVENIO SUP. 1.580 m²
- TUBERÍAS - DENTRO DA ZONA DE SERVIZO DO PORTO E DO ÁMBITO DO CONVENIO SUP. 279,40 m²



 PORTOS DE GALICIA		 Xacobeo 21-22	
PORTO: PONTECESURES PONTECESURES - PONTEVEDRA		CONVENIO DE COLABORACIÓN ENTRE O ENTE PÚBLICO PORTOS DE GALICIA E O CONCELLO DE PONTECESURES PARA A MELLORA DA EFICIENCIA ENERXÉTICA DAS INSTALACIÓNS DE POTABILIZACIÓN, DEPURACIÓN DE AUGAS RESIDUAIS E DESALACIÓN DAS EDAR DE PONTECESURES E EBAR DE TELLEIRO NO PORTO DE PONTECESURES	
REFERENCIA		NOME DO PLANO: PLANO DE PRANTA E SUPERFICIES	
CLAVE PORTO: 13-01		ESCALAS: 1/3000	
DATA: ABRIL 2022		Nº PLANO: 01	
FOLLA: DE:			

